

Empat sifat parti pada pemimpin jadikan UMNO kuat

UM 20 JUN 2003

KUALA LUMPUR 19 Jun — Empat sifat yang terdapat pada pemimpin UMNO menjadikan parti itu lebih kuat hingga mampu menjadikan negara ini maju serta berjaya, kata Pengerusi Badan Perhubungan UMNO Selangor, Datuk Seri Dr. Mohamad Khir Toyo.

Menurutnya, empat sifat itu bagaimanapun tidak terdapat pada pemimpin Pas yang hanya pandai bercakap tanpa sebarang pembelaan terhadap rakyat.

Beliau berkata, sifat pertama ialah pemimpin UMNO yang dipilih sebagai Perdana Menteri sejak dari mula hingga kini termasuk pengganti Dr. Mahathir Mohamad iaitu Datuk Seri Abdullah Ahmad Badawi adalah mereka yang elok dan pandai.

“Sebab kelebihan inilah kita telah mencapai kejayaan yang membanggakan hingga negara menjadi maju dan berjaya,” katanya ketika membahaskan ucapan dasar Presiden pada Perhimpunan Agung UMNO ke-54 di Pusat Dagangan Dunia Putra (PWTC) hari ini.

Tambahnya, sifat kedua yang boleh dilihat pada pemimpin UMNO ialah mereka ini terdiri dari kalangan orang yang beramanah apabila diberikan tanggungjawab oleh rakyat.

Mohamad Khir berkata, jika pemimpin yang dipilih

lah hingga ke universiti sebenarnya telah merapatkan jurang ekonomi antara kaya dan miskin.

“Ia juga berjaya menurunkan kadar kemiskinan di mana kadar kemiskinan menurun dari tahun ke tahun,” katanya.

Mohamad Khir berkata, sifat keempat yang diamalkan oleh pemimpin UMNO tetapi tidak terdapat pada pemimpin Pas ialah menyampaikan sesuatu maklumat atau dasar itu secara baik dan berhemah.

Katanya, ini dapat dilihat apabila pemimpin UMNO tidak menggunakan kata-kata kesat atau perkataan tidak baik untuk menyampaikan sesuatu kepada orang ramai.

Beliau berkata, sifat menyampaikan secara baik dan berhemah ini lebih ke arah mendidik dan merupakan sifat yang dituntut oleh agama Islam.

“Pada kempen pilihan raya misalnya, pemimpin UMNO dihamburkan kata-kata kesat seperti anjing UMNO dan sebagainya dari Pas.

“Namun, pemimpin UMNO tetap sabar dan tidak membalas data-kata kesat tersebut. Kalau UMNO balas perbuatan itu dengan kata-kata kesat juga, kita akan disaman oleh orang Pas,” katanya.

tidak beramanah, sudah pasti UMNO dan negara akan hancur dan musnah.

“Jika tidak amanah, ia juga membawa kepada sifat munafik. Bagaimanapun pemimpin UMNO mempunyai sifat amanah ini,” katanya.

Di samping itu kata beliau, pemimpin UMNO seperti Dr. Mahathir adalah orang yang bijaksana dalam membawa kemajuan dan pembaharuan kepada parti dan negara.

Menurutnya, ini dapat dilihat pada dasar pendidikan percuma yang membolehkan semua golongan mengikuti alam persekolahan tanpa mengira kaya atau miskin.

“Dasar pendidikan negara yang membolehkan orang kaya dan miskin belajar di seko-